

Thu 2nd Sept. 1898

大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本從英法德俄美日
借工本從英法德俄美日
刊印各器以待與英法德俄
體活字及各式花邊等延有
西人排印工藝精細所有
印字大小機器均用精工刊

第五千零三十三號

報叻

(號七第牌門口虱巴舊在設開館本)

印工級絕倫並延有文士書
寫各種文字現由上海購到
各種書籍出售其書目另行
刊佈所有各項原稿其有
世道人心者附登其亦須無
礙於人而後始錄其有謬
成文以及支離費解者概不
登錄嗣後諸君來札尚祈
自諒更須寫實里而後敢
將原稿收回也本館謹白

戊戌七月十七日

大英一千八百九十八年九月二號拜五 每張售錢五文 每月一元 每日每字一仙

論城中今日兵爭之害

吁衡時局橫覽五洲不禁痛哭流涕而放言之不復能自禁也中國礦產之富人民老幼甲於地球是以歐
洲各國之關繫集垂延已久名皆託於互市陰實利其并吞然數十年來包藏禍心猶未敢公然割據者此
非憚戎首之名遷延却顧實憚我七十萬方里之中若煤若鐵皆用兵之奇貨者幾於遍地皆是加以熙來
攘往有四百餘兆之多且咸思忠君愛國之忱固結而不可解故環而伺者無敢首發難端耳自甲午一役
挫於東鄰北洋之輪船無存出塞之師徒摧敗情見勢絀割地輸金積弱之形至此而無從掩蓋譬如素封
之家一日藩離被撤糧項復毀自廳堂以至曲室無不洞敞重門任人窺瞰而箱篋幾何容藏幾何又無強
奴幹僕為之典守欲免暴徒覬覦此必不可得之數矣中國近狀何以異是以英俄德法諸強鄰視此情
形創為分瓜之說爭思一撻之嘗德佔膠州俄據旅大英索威海衛法窺廣州灣海疆扼要之區盡為他族
所偏處猶復耽耽逐逐盡存得隄望蜀之思以求馨其欲登或造船塢或建鐵路或開煤礦以屯兵輪以利
轉運以聚水師各逞其船堅炮利兵精糧足之勢爭雄長於中原禍之立至甚於燃眉不待智者而始知矣
特是火炎崑岡玉石俱焚兵凶戰危古今同慨況今日火器之烈發機之迅更非干戈劍戟殺人如草而已
也槍林炮雨之交一轉瞬間數百人數千人數萬人無難立斃其血肉膏於原野骸骨化為鬼燐者慘目傷
心真有不堪設想之形景者然窮兵黷武之徒終歸於弗戢自焚一敗塗地甚或國破身亡為天下笑蓋好
殺者天必以殺報之此理無判乎古今無分乎中外故孟子曰善戰者服上刑非人刑之天刑之也試觀羅
馬拿破崙蒙古成吉思之往事當其囊括四海席捲九州兵力所加幾奄有地球全土惟嗜殺無厭夜行不
休屠戮生民幾宰豕之不若上干天怒下叢眾怨會幾何時不但覆其宗社亦且身為俘虜求子孫之可繼
業垂統何可復得矣此尤彰彰焉在人耳目者也善乎孟子之對梁王曰天下定於一又曰不嗜殺人者能
一之誠以上帝好生人情惡死居今日而論城中兵之策固屬迂儒之論羣知其萬不能行矣雖然縱不
能弭兵亦何妨設其兵如古者都市不驚吏民安堵耕者不變秋毫無犯堂堂正正之師原不得恣為殺戮
也今救世會諸教士果能惻隱為心亟當挽回劫運勸化暴君能相凡欲混一寰宇者自應無分畛域無分
族類保護教養一視同仁吾知蚩蚩之氓莫不仰之若父母奉之若神明矣又何必船極其堅炮窮其利炸
藥日增其猛烈鎗炮突出以無聲殘賊險忍必求盡殲此人數而後快於心與自來長治久安之道在德不
在力此不獨中國為然凡有血氣者無不服於德而不服於力不服則成力拒力拒則因求爭勝迨互爭力
之必勝而殘忍之行始無所不至矣書云撫我在后虐我則讐聖人之言百世莫之能易天憫斯民靈首
出以聖傑之資行仁王之政神武不殺用王道以服力征其在斯乎其在斯乎運會非遙昌期不遠全地球
之億萬蒼生赤子所託命而歸仁者庶幾旦暮遇之則今日稱強恃力之各邦亦善戰能兵之蚩尤而已何
足道哉何足誇哉

德船失水專電

○昨日一點半鐘接香港發來專電稱英國郵船勞希刺於是日早由日本抵港
船中載有德國輪船甫里尼達之水手人等該船乃載煤前往膠州中途失事者先是該郵船於十四日道
經丹尼峇嶼前海面見該德船陸旗求救故該郵船將諸人援至船中乃棄其船而去云云查該德船大有
四千墩乃德廷所稅以備載煤前往膠州之用前者此船過叻於六月初五日乃由叻啓行前往者云

小呂宋近聞

○香港來信云小呂宋地現已日漸安靖諸市肆經復照常貿易然當美國攻陷文
城驅兵而入班人有不甘服者猶與美兵巷戰此等班人均係血氣之徒其與美兵對敵原非奉有國家之
命不過怨恨美人故至出而與鬥而美兵亦經被其冷炮擊斃數人至諸黨人等於美軍攻下文城之際亦
多隨入城中惟於入城之時經美兵為之嚴拒如必欲入則須將其軍器呈繳始放之行但諸黨人入城之
後即四處恣其槍掠幸美兵出而彈壓其果有匪據者即以軍法繩之不稍寬容然據美人所言則謂文城
於未破之時黨魁亞魏拿多曾使人語班督言欲以全軍助其拒美云云但據知者則言魏出此策係屬權
謀蓋欲宋督信之而縱其兵入城遂可先美而據其地也現在文城食物亦屬異常缺乏故各物之價昂貴
異常又查美軍攻擊文城之役兵軍死者十六名傷者約及百名而班兵亡者約二百名傷者則僅百名之



諸惟美人現據文城頗為黨人所苦因該黨常四出槍劫至勞美軍時出巡哨不能稍疏前日曾執獲槍劫民間之黨人五名即以軍法用鎗將其擊斃又有一黨人武弁與班國武弁滋鬧班弁燃鎗擊之遂中其足即經美官將班弁禁禁而繫獄又聞美將迷力經已出示各地方官可以仍前理事若有抗者即行嚴辦惟大權不能歸班人執掌黨人因此怨美甚深蓋其黨滿擬文城一破即可以為所欲為也又聞有班國某弁曾語某探訪謂文城一地明知不能保全所以仍舊堅守者不過欲顧我班國體耳至於獻城之故則惟念城中百姓無辜受苦故出此策以免塗炭生靈耳所言如此亦殊可憐也夫

日人欲動 ○頃閱西報云風聞日本朝廷近欲結連英美兩國以便抗拒擾擾遼東各國干預飛獵邊地之權云云然則日人之志有可知矣

雙旌蒞止 ○瑞制府前往實蘭我等處一事已登前報茲悉憲節經已偕其介弟總參政瑞公由吉隆返叻十五晚俱到大會堂以赴荷領事之喜筵云

選派學生 ○京友函報云月前日本矢野公使至總署云中日兩國同文同種朝野上下欣戚相關日本政府甚願中國國家選派學生前往日本各學校肄業以俾兩國人士互增知識所有學生在房膳養及教習修金書籍筆札各學費均由日本國家預備無容中國籌款其學生以二百人為率總署王大臣均為首肯聞現擬先派學生四十人即於本年更換出使日本公使時交新公使帶同前往亦不復另派監督其學生擬在同文館挑取二十人通藝學堂挑取十人其餘或在南北洋各學堂挑取若干人尚未定議

觸怒礦工 ○俄人於黑龍江一帶經營鐵路每每恣睢無理致觸怒於沿途之礦丁按黑龍江鐵路地脈無處不是金礦採取甚便緣是礦工雲集此種礦工俱係東三省一帶游民強壯有力均各身藏武器自為一黨忿恨俄人所為大有羣起與俄為難之勢其人數亦頗不少幸該處將軍依克唐阿率部下精兵二千名及收留流亡兵丁四千名訓練有方並給時下武器所向有功礦丁雖蠢然欲動尚畏依克唐阿軍容頗赫不敢肆行無忌而該礦丁亦有頭目若陸軍統領頗能約束不使為非雖當中俄多事之秋而邊疆賴此鎮定未始非兩國之福也

滿人結會 ○近有西人由滿洲遊歷回者云滿洲之在理會與長江之哥老會相等糾眾會盟風氣正盛刻下人數日增地方官頗難申禁滿洲向不信服西人而此會尤甚近來俄人佔據旅順又欲建造三省鐵路開採沿途各礦隱有鯨吞之意英人租住威海直存虎踞之心故旗民均欲結會自保中國現向國內籌借銀兩滿洲人民均懷忿怒通計滿洲各處息借銀兩為款甚鉅刻下民情鼎沸各聚會館皆紛紛議事云錄津報

死不乞憐 ○前者臺灣義民因與日官為難兵至則退入深山兵去則時出攻擾日官無如之何曾經出有示諭畧謂該義民等如肯束身投降所有從前罪惡一概赦免云云於是金姓名撲瓜者率其部下諸人於前月初歸順日官謂其已逾赦罪期限定以死刑金至是悔恨已晚自念一身死不足惜惟所部人等由我而死殊屬不忍爰向日官再三哀懇請將伊身定非其餘脅從之人求為赦免云云言畢血淚俱下一時日人聞其言者無不為之惋惜因共免請日本谷租美大律師代其申辯由是該律師入監看視謂金曰此案上控可以得邀赦免爾有何供詞可與我言之金曰彼實誑我我雖死不願效懦弱者之乞憐也再拜固辭該律師歎息而出謂不得供詞難以為申辯之地也旋於前月二十五號被日官以機器處決執筆者曰壯哉金君可與田橫後先輝映矣

打架傷人 ○十五晚為舊巴虱源順街普度之期是日下午五點鐘後諸人即紛紛將其祭品往為排列時有甲乙兩號因爭擺祭物起軒遂相口角既而爭競不休以至打架於時各糾黨與鬥毆甚兇即經傷有十餘人有司聞耗即派差役多名趕至爰將閩人傅取傳良發陳朝楊九塊黃朝陽吳照傳鉗葉培傳與傅岩葉鉢十一名獲解於案此諸人等多已受傷然幸尚非甚重所最不值者則為協利號夥東黃泗瓜當時見人眾打架因出而勸止詎反被入所毆頭額胸背均有傷勢頗危爰自請西醫林文慶君到家調治據黃所供則謂毆之者係傅岩葉鉢二名此案於十六日已由府尊提訊一次命展至二十日再訊諸人各責保五十元惟岩葉鉢二名則各責保一千元以其毆傷黃泗瓜故也

報案彙紀 ○客人關盛世十四日到實籠岡路差館報稱向在該處牧豕為生有一頭值銀十五元因被閩人甲乙二名將其刺斃甲乙業已在逃未獲云云又叻產閩人許清泉赴案報稱向在巡理府堂充當傳供之吏家寓西里宜路詎於十五日十點餘鐘時竟被匪徒潛入家中將前廳所懸西帽兩頂竊去計值六元五角云云又穆拉油人亞未向在鐵巴虱內販賣豬肉為生十五早有爪亞人沙禮向末市肉因而口角相爭詎禮粹取末之屠刀將末所傷旋即飛足而逃爰經末至差館報明送交西醫院中調治

賭案錄登 ○前報廈門街第六十五號門牌和順號住宅查緝十二枝賭博因獲叻產閩婦陳珠娘等十人解案一事十六日復經府尊提訊惟向未能訊畢命展至二十二日再訊又十五日緝賭英差在域多利街第二百五十二號門牌緝獲福清人十四名係為抹牌之局同日府尊訊畢判各罰銀五元

簿書割記 ○閩人林祿不知其居址事業十四夜十二點鐘時身懷衣衫數件綢褲二條銀戒指七枚銀鐲一對耳環一對共值銀廿五元道經實玷不路適為暗差所見詢以此物何來林不能對差乃執之解案十六日府尊提訊畢命將案展至廿三日再訊○閩人余振十五

晚至舊巴風觀看中元之會詎被閩人林水根瓊人陳亞東二名將其所纏之暹巾搶去旋被暗差截獲同日府尊提訊命展至二十日由兩府
尊會訊○閩人林水向在淡申路之麵乾開開設烟廊十五日携有香港上海銀行之十元銀紙一張及銀鎊等至振茂興烟公司內購烟詎經
公司中人驗得其銀紙之質既薄字復不明知為贗鼎爰即將林執獲送案同日提訊一次亦命展至二十日由兩府尊會訊至此銀紙係從何
來想當為之詳究也○潮人陳亞和於十四日下午四點鐘時拖有貨車在第一座甲橋而過有違禁例因被差執解於案同日府尊提訊陳供
初到叻地不知禁章府尊乃判罰陳銀三元示儆○美芝路差館巡差於十五日在小坡大馬路一帶拘獲閩潮兩籍小販八名是皆販賣蔬菓
熟食等類差以諸販礙路故特執之是日府尊提訊畢分別示罰中有二名各罰銀一元餘俱罰銀五角所罰之項雖屬無多然諸販之物則已
零變不能復賣矣○第四百六十四號巡海差昨控第五百八十七號巡海差及潮人林成福二名於案謂差則向林索賄林則出銀二角以賄
該差故并執之是日府尊提訊畢命展至二十一日再訊○十四日為中元令節居民多於此二晚燒衣但燒衣者必須領憑其憑內則書明
某日化楮由某點鐘起至某點鐘止逾限即為犯法奈華人多不識英字以為業已領憑即可燒楮因而未照憑內所定時刻焚化故此二晚以
焚楮而被控者竟至二十餘起之多昨經府尊訊畢或從薄罰或判開釋蓋亦以華人不識英字故不宜過於嚴繩也

稟稿照登 ○為愚慮心得獻學芻蕘叩懇 代呈總署察核上聞天聽事竊以我大清國時局就報聞所及薄海臣民莫不同聲痛哭
因慮我 皇上自念守成之君喪師失地強鄰勢逼而臥薪嘗胆憤慨與旰食殷憂則聖神易疲孰若設作開創之君易地而觀以二百餘年
被澤之民較諸恩威撫刺之民以什餘省綏靖之幅員較諸據守圖進之偏安以挾勢租地之強鄰較諸逐鹿爭鼎之雄霸皆相去霄壤趁時乘
時凡諸政治因革去取交議擇善而乾綱獨斷一變至道矣止事半功倍且不患政治日久積習難變伏乞 皇上易地設身是善養浩然之氣
然安危之機間不容髮今日欺侮恫喝之事各國昭張思亂謀叛之流近年頻見萬一羣雄爭利有加無已而兩大不讓勢必以我國為戰場逆
黨因必四方蠢動 朝廷鐵路雖築礦地雖開學堂雖建銀行雖有郵政雖辦商務雖興利制雖變求賢雖渴儲材雖切戰艦雖置軍械雖制銀
圓雖鑄機器雖造織造雖學官守雖更官報雖設要皆初創未備成效未收而烽烟四起強壯者不散於四方老稚不轉乎溝壑者幾希收拾尙
虞不及遑問振興是危莫危於今日也而欲轉危為安諸如現更各政非不急之務而猶是支派護從之道當急以維繫人心為本源維繫人心
從何始也始在於知其數如人囊中之資知其數然後用之有方欲知其數則造冊焉乞 皇上定一日期通諭各省督撫分發各府州縣前
月札諭各鄉紳董收領 皇上定章造冊人口紙按每戶派交一張聲明及至 皇上所定之日入夜歸宿時各自填登合家共人口若干男若
千女若干所業某業人若干分門別戶現存穀若干現存米若干登日歸本處地保收回彙交紳董密呈州縣由州縣委吏會計總數詳寄督撫
限期各省齊寄至京師 皇上派一大臣專理其事入奏 皇上通國同一夜歸宿時造冊除出洋外會計其現在之數則四萬萬之說是否立
知蓋此一造冊也合舉國之人心一夜皆動是奮發新政之初亦即維繫人心之起點也此造冊紙由 皇上定正通頒各省督撫照式一律分
發各縣刊印分派各戶口務須實事求是不得循行故事既造冊後則某縣得人若干存穀若干存米若干嗣後逐日人口有生人有死人穀米
有出口往某處穀米有入口由某處來本處田禾收成有多少必要報明鄉約登記違例者罰按合老少男女強弱計每人日食米一十二兩可
足某縣某鄉得人若干每日應食米若干計現存谷米若干至待田禾收割日幾何某處有餘某處不足預早決定移粟之法由專理大臣未雨
綢繆商務大臣早頒告示烏有餓殍大患則足食矣 鍾藥如稿未完

奏設陝西武備學堂摺 ○頭品頂戴陝西巡撫臣魏光燾陝西學政翰林院編修臣葉爾楷跪 奏為擬設陝西省武備學堂並武科
改用槍炮定立簡明章程繕具清單恭摺仰祈 聖鑒事竊臣光燾前准兵部咨會同軍機處議覆榮祿高燾會胡燏棻請改武備特科各摺片
恭錄 諭旨刊發原奏通行各省會將武備學堂如何建立如何教練安議報部等因正核辦聞復准部咨議覆黃槐森改試洋槍一摺奉 旨
依議欽此通飭各省按照兩次原奏逐細詳悉迅速咨報各等因到陝仰見 朝廷整軍經武因時制宜之至意當當咨會臣爾楷並行核議
去後臣等公同參酌往復籌商竊以武科之弊在於所學者非其所急而所取者非其所用時至今日誠以改純為利化拙為巧易無用為有用
乃足以建威銷萌克敵致果惟是更張之始教練為先則建立學堂乃武科改制之根本顧舊有學堂者易創立學堂者難風氣已開者易風氣
未開者難地大物博者易地瘠民貧者難陝西僻處西隅偶風氣渾厚於西法從未有知洋操多所未見謀新舍舊已費周章而建學之初聘教習
置槍械籌畫常年經費較之文生書院厥費倍特為自強計不敢勉為其難雖改絃一且未免手生而蓄艾三年深虞病劇查胡燏棻原奏
府廳州縣各建學堂一所部議則惟在省會地方設立一區自較簡易第念每縣設學固屬煩難而學堂專在省城他府廳州縣有遠在一二百
里之外者遠來就學亦殊不易今擬在西安省城設立學堂一處此外則同州鳳翔及南山之漢中北山之延安各設學堂一處凡武舉武生武
童願學者由各州縣各就近之處申送入堂認真教練查郡屬武童歲試自下屆始武鄉會試自光緒二十六年始一律改試槍炮但童試
為鄉會之始基下屆武童歲考在光緒二十七年而鄉會轉在光緒二十八年即舉行鄉試各武生向以弓刀取進改習槍炮甫及一年加以風氣初開來者未
必多學者未必成於無可挑選之中勉強取中數十名武舉似非實事求是之意擬請將陝西武鄉會試均暫停一屆於二十七年選用新章開
辦小考則技藝漸精而層次亦順至廿九年武闈仍取足兩科之額俾諸生知立法之意非專棄故技精習槍炮不能進身乃能絕其兩端首鼠

必多學者未必成於無可挑選之中勉強取中數十名武舉似非實事求是之意擬請將陝西武鄉會試均暫停一屆於二十七年選用新章開
辦小考則技藝漸精而層次亦順至廿九年武闈仍取足兩科之額俾諸生知立法之意非專棄故技精習槍炮不能進身乃能絕其兩端首鼠

之心而精求乎藥雲彈雨之用至練習考核之法臣等公同恭議約有四端一曰去我所短仍宜留我所長西人長在槍炮中國長在擊刺今易
 弓箭為槍炮而刀矛牌突不可廢蓋兩軍對敵槍炮先施至於敵軍近逼大呼陷陣猿驚鳥躍虎伏猴進此刀矛牌之利也敵人槍彈既竭我亦
 馬軍突出橫擊直前洞穿背此又長矛之利也擬將武場刀弓石改為刀矛牌刀矛仍用湘營操練舊法牌則易變為鐵用以遮蔽子彈壯其
 膽氣蓋槍炮取法於彼雖甚精利僅足相敵必肉薄致進決命爭先方能制勝則刀矛鐵牌實與槍炮同功一曰器械求新而矩規仍舊自設科
 以來由院而府而院三年取進而試之於省校有常格試有定期自明及今遵守勿替今雖改習槍炮而考試場期擬一仍其舊請將地球馬步
 箭改試馬步槍炮為一場刀弓石改試刀矛牌為一場數適相當法無大變奉行者既不紛擾應試者更易遵循所謂變而不失其常也一曰器
 用西式而教用華人陝西風氣初開必得名師指授而地方較遠經費短絀勢難延聘洋員往者陝甘各營改習洋操均由天津揀派員弁入關
 用資教練今者津江鄂粵學堂林立其間不乏成材擬即咨商北洋大臣無論營員學生擇其熟精西洋戰法兼通輿地算諸學者酌派數員
 來秦作為教習每一學堂用正副教習各一員延訂十數人即敷分教但使實事求是數年以後今日之學生即異時之師長通都之傳習即鄉
 曲之楷模薪火相傳武風丕變雖曰因人成事實亦因地制宜一曰立法在考試之中而育材在考試之外查湖北武學堂專儲將領之選此則
 與考試之需用意稍殊而凡當兼探鄂中章程專選文武學員生員候補候選員弁官紳世家子弟考取入堂而單門下村不與焉今為武科改
 章而設自以成就通省武生武童為自然果有官場子弟游幕通材有志請纓撫膺思奮者亦准其報名投考收取入堂作為外課一體認真教
 授俾成文武之才若有志觀光仍各送回籍應試蓋此輩聰明學業本加鄉曲武童數等降心來學其志必堅執業既專收效亦速疑材用管戎
 臣入秦不當以方隅限也以上所陳在於開風氣節經費求實際立始其先立五學以為逐漸推廣之由暫停一科以免欲速不達之謂臣等日
 擊時艱力除錮習盡其力所能到期於事之有成但此教之七年克收一日之功學者千人能食一士之報由此將才日出我武維揚庶幾上報
 國家下振土氣所有武科改制及設立武備學堂擬定章程十條謹繕清單合詞恭摺具陳伏乞 皇上聖鑒飭部核議施行再此摺係臣光
 憲主稿合併陳明謹 奏

- 檳榔嶼華商捐助廈門平糶芳名錄 ○啟者茲接檳城善翁黃進聰 林花鑄 邱增妙 邱衍赤 林玉衡諸君經勸廈門平糶緣
 款用將捐冊照登如左 開恒美號捐銀四百元 林密綽翁銀三百元 羅廣生號銀二百元 鄭慎之翁捐二百元 新益興一百六十元
 得昌號銀一百六十元 瑞福號銀一百六十元 和利昌一百五十元 朱寶蘭一百五十元 萬得豐一百二十元 王珍祥捐銀一百元
 怡順號捐題銀一百元 順昌號捐題銀一百元 順泰號捐銀一百元 興利號捐銀一百元 萬裕興捐銀一百元 林恒茂捐銀六十元
 廣安號捐題銀一百元 李清珍翁捐銀五十元 榮順號捐銀六十元 福萬源捐銀六十元 成榮德捐銀六十元 陳廣順捐銀五十元
 順興號捐題銀六十元 萬永裕捐題銀五十元 利貞號捐銀五十元 榮棧號捐銀五十元 陳和盛捐銀五十元 慶源號捐銀四十元
 豐成號捐題銀五十元 邱成德捐題銀五十元 林克全捐銀五十元 孟記號捐銀四十元 裕生春捐銀四十元 英才號捐銀三十元
 廣福安捐題銀四十元 晉昌號捐題銀四十元 合興號捐銀四十元 錦昌號捐銀四十元 福利號捐銀三十元 福南號捐銀二十元
 源利號捐題銀二十元 廣源利捐題銀二十元 華興號捐銀二十元 永安和捐銀二十元 福利號捐銀二十元 協發號捐銀二十元
 崑美號捐題銀二十元 榮興號捐題銀二十元 集福號捐銀二十元 聯和號捐銀二十元 榮春號捐銀二十元 龍源號捐銀二十元
 王萬通捐銀一十二元 萬吉號捐銀一十二元 三合源捐銀一十二元 復崇號捐銀一十二元 萬興利捐銀一十二元 承萬豐捐銀一十元
 泉合發捐題銀一十元 晉豐號捐題銀一十元 新和昌捐銀一十元 成利號捐銀一十元 裕昌號捐銀一十元 承和號捐銀一十元
 福萬美捐題銀一十元 永裕昌捐題銀一十元 藏德號捐銀一十元 永聯昌捐銀一十元 胡成啟翁捐銀一十元 忠源號捐銀一十元
 源茂號捐題銀一十元 捷成號捐題銀一十元 正同號捐銀一十元 洽泰號捐銀一十元 美源號捐題銀五元 計八十二條共銀四
 千五百二十二元 大清光緒二十四年七月十七日 廈門平糶局駐叻籌捐董事公啟

廈門平糶局公啟 ○公啟者近日外間頗有煩言謂本局所辦寄廈平糶之米有參差之處并有無端加以想像之語謂購辦米石者
 所獲之利竟至萬有餘金此說甚駭聽聞實不得不澈底清查以歸公當故本局同人等於本月十一日集眾公同查核因查得承辦米石之源
 成順號歷屆所辦之米尚無弊混均有簿據及往來單件為憑經由本局同人逐條詳查數皆符合惟最後一次所辦仰庄白米一千四百包則
 委有不符之處因此米內攪雜半港之米竟至過半之多是緣該號東人并未在店司理而其任事人等一時不察竟任店伴冒昧為之茲經查
 確此事悉與該號東主及豐揚輪船諸人無干但該號既有此失亦不能不酌量處分以昭至公除查確該號此次所辦之米獲利三百八十餘
 元提出充公并承還豐揚輪船此次駁回米石六十三包餽費外另着該號再交出銀一百元撥入本局以充善款此乃集眾公同議定無黨無
 偏用將其事刊列報中俾眾周知以昭清白焉 大清光緒廿四年七月十五日 廈門平糶局駐叻籌捐董事公啟

大荷蘭總領事示 ○大荷蘭國駐叻總領事府兩域 為招充豬碼事照得本國家現欲將蘇門答臘東境一帶之豬碼招商承辦而望加麗及打棉香等處不在其內此碼定於西實添末月十號即華七月廿五日禮拜六在日裡之棉蘭地方出投此碼或止承一千八百九十九年一載之期或承至一千九百年及一千九百零一年三載之期均無不可汝等有志承充者其如期前往投充可也特諭
西一千八百九十八年八月三十一號 示

退股聲明 ○啟者新嘉坡吉寧街門牌第十號萬福和客棧生理自甲午年集股開張今因田森和 梁采濱 熊翼亭三人志圖別業願將各名下股份抽出退與陳玉堂承受經請公親饒子煥 許重光仁翁駕臨將該股份銀項交割明白至前公舉熊翼亭司理各事今將全權改交陳玉堂司理倘有揭借進認等項惟向經手是問而該客棧日後生理盈虧不干田森和 梁采濱 熊翼亭三人之事特此聲明以免後論此佈
大清光緒二十四年七月十四日 新嘉坡梁采濱 田森和 熊翼亭全謹啟

失印聲明 ○啟者小坡路蘇班讓第二百廿三號門牌成利號向來與各寶號往來交易惟藉印據以為憑茲因本月初八日其印忽然遺失竟不知落於何方其印實叻成利圖章款式爰特佈告聲明倘此後有人用此印向各寶號賒取貨項者幸勿誤交此印即為廢物特此聲明
光緒二十四年七月初十日 小坡成利號謹啟

火船出投 ○啟者茲定於西實添末月十五號即華本月三十日禮拜四上午二點鐘在本館內拍賣火船二起 其一火船一隻名曰新萬裕其船長有二百零五英尺闊二十七英尺八因脂深十五英尺五因脂堪載九千五百担此船現在常川往來閩浙嗎辰實叻等處其二火船一隻名曰新北加且長一百五十二英尺闊二十三英尺深十二英尺堪載七千五百担該船現亦常川往來閩浙嗎辰實叻等處諸君有欲知其詳細可檢閱英字拍賣章程便得特此佈
大清光緒二十四年七月初十日 大英一千八百九拾八年八月廿六號 巴越館主告白

吊橋頭米郊公啓 ○昨閱天南新報六月二十九日所載廈門平糶局駁米回叻一節據實辯明評論允洽最足感善心懲創逸志廻環莊誦令人可敬可恨敬者何敬各善士之慷慨樂輸故能成此平糶之美舉也恨者何恨配米石者之暗價減重既失我建帮之體面復負各善士之美意也猶幸事機敗露尚早復得天南報昌言補救或可收後來之效否則大局一壞必至於莫可收拾而後已惟天南報未段有牽涉吊橋頭米郊之作弊而不指明其舖號則各埠及廈門內地之購閱天南報者人將疑我吊橋頭諸米商之放利而行不顧大局其有關係我米商之聲名實非淺鮮是以不避嫌怨據實訴明並請照為刊錄報章俾得谷有攸歸毋使吊橋頭諸米商蒙此不白之冤也蓋駐叻捐辦廈門平糶局諸董事自開辦以來概由源成順號裝配該號原任墊枋路頭其與我吊橋頭相距甚遠無干涉者一况董事所辦平糶之米並未向吊橋頭諸郊戶購採是以與我吊橋頭之米前不相雜無干涉者二至源成順現雖開張在吊橋頭乃係六月廿六日破案之後始由墊枋路頭遷徙而來是與我吊橋頭尚未聯絡無干涉三今天南報不直書其名而徒以吊橋頭三字混之不亦大失我吊橋頭諸米商之體面耶况源成順所配之米或仰光庄或半港庄皆由其自相夾雜自行配寄並非上手原包當二十六日在豐源號內公同察驗之時昭昭在人耳目詎得牽累他人耶總之事之是非理之曲直自有公正廉明之大董事秉公核辦毋俟豐干饒舌也伏願該報以後有提及此事者幸勿再以吊橋頭三字一概抹煞則受惠多矣錄此呈覽乞登報為感
大清光緒二十四年七月初十日 吊橋頭眾米商公啓

涇渭攸分 ○竊聞砥礪足以亂玉魚目亦可混珠自來以偽亂真每致白為皂染荷不速明其梗概恐將莫辨其是非如我恒昇號開張二馬路馬交街口門牌三十六號開設以來久經寒暑素為坡中殷戶所深見信而所製金銀珠寶各款首飾均以足金造就又能花樣翻新以至垂青者源源而至蓋由託業雖微而心存忠信不欺童叟因之遠近咸知詎昨有馬扁一流行險僥倖到敝店打去金鑲簪六款獨一對旋將包在金內之簪截去復將鉛納於空處以實之携往大昌典當冀可以售其偽希獲多資豈知典夥精明立刻拿留即往報案昨由 府堂明鏡高懸訊定判將棍徒繫獄以警效尤敝號聞之且恐且快蓋恐者恐人疑及敝號果有串棍欺人加以素有與敝號參商者幸災樂禍讒言惑眾不知者被其朦蔽使敝號中懷蘊蓄屈而莫伸所快者該棍徒不冒他人而冒敝號者足見我號人皆信重不待言也今者事既分明則敝號受此污名亦已水清石理用敢特為佈告借鑒前車無論典庫中人及坡中商戶務必認明敝號圖記與眾不同庶不致再被棍匪所欺又免為讒言所惑也實所厚望謹此佈
大清光緒二十四年六月十九日 石叻恒昇號謹啟

藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得
光緒二十四年七月初三日 叻報館代啓

湖北賑捐告白 ○啟者本局到叻勸辦賑捐現下分設各處開辦一在粵海清廟前謙源公司一在水仙門直街裕昌隆一在瓊州會館邊街益豐三店均有實收開捐 諸君欲報捐者請到該號捐納自無貽誤矣 光緒廿四年六月十一日 寧陽館捐局謹啟

新到上等機器油
啟者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
大英一千八百九十八年八月十八號 時
轉珍目兄弟公司謹啟

時雨軒藥酒發售
蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如拍風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日 時雨軒主人謹啟

火柴聲明
啟者本號親自督辦孔明圖及五福標火柴二種來叻發售其火柴藥料精美歷久不潮實為上等慶荷 諸君光顧咸已蒙獎譽乃有聞近無恥之徒假冒本號孔明圖及五福標兩庄火柴以低偽之貨售於市上希圖魚珠之混此等所為祈堪痛恨除嚴密訪查控究外用特佈明其事 諸君購用此兩庄火柴者殊為細辨庶免為偽貨所欺然若能知偽冒此等火柴之人者即 玉臨本號報明以憑控究實賞之 後即當從重酬謝決無食言再本號仍有選辦孔明坐車崇紅烟出售併此佈告
光緒二十四年二月二十四日
二馬路新巴虱口孔明齋謹啟

新印 啟者茲有新印之臺灣地圖精細異常經緯度數井然不紊臺灣所謂羅千里於咫尺者目今台事戰爭未已有正心人所宜地圖亟為攷究者 諸君賜顧請移玉至本館面商可也
寄售 大清光緒二十四年五月十三日 本館謹啟

豐源號
本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻日期
由芙蓉回麻六甲每逢禮拜二五日上午十點鐘開行
由各輪船在叻往麻六甲吉隆坡實蘭午 等禮拜五日三點鐘開行特此佈



正呂宋烟發客
啟者本號親自在小呂宋採辦意未即拿廠揀選正地道烟葉製造各款星妹麥仙花麥雙馬呂宋烟枝經已馳名中外其雙馬麥中更有二百庄白結度經尤為冠美氣味香順蒙採客留心細察庶免魚目混珠今在新架坡馬交街門牌第四十三號前承辦各款呂宋烟發行貨真價實最屬相宜以圖久遠諸君光顧請移玉到本號面議是禱各款麥頭太多不能盡錄謹此佈 聞
光緒廿三年九月廿六日
新嘉坡馬交街生昌泰謹啟

在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由吉隆坡回芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啟

實知賓西醫鑲牙告白
啟者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并為烏里燕達性命保險公司代理華人性命保險之事 諸君賜顧請至未得里路第六號門牌樓上面商為盼
大英一千八百九十八年六月二十八號
牙科醫生實知賓謹啟

啟者茲有店舖一間坐落溝仔店墘第廿五號門牌即順源棧之舖前經該棧稅為貨棧者茲欲將其樓下及後樓出稅與人諸君有欲稅住者請至墊那路頭豐興號內向余詢問便得特此佈聞 光緒廿二年十月廿四日 薛連錫謹啟

正金鐘標萬蘭池酒發客



啟者本公司所管辦正金花鐘標萬蘭池酒久已馳名叻地諸華商均喜用之現已議定與本坡酒公司句辦以應零沽凡華籍諸君有欲零沽者請至酒公司沽買便得如買成起以俾配往外處者仍可至本行沽買至此酒

所上有各票如無本行不呼峇華字者即為假貨幸勿為之誤買本行有厚望焉 大英一千八百九十八年正月十三號 不殺呼峇即前加珍洋行謹啟

製造之法 精妙異常 酒味甚清 以之蒸釀 者皆為上 等之料保 無偽劣之 弊此酒若 飲其屬合 宜且價亦 甚廉諸 翁沽用須 為留心辨 明以免魚 珠之混現 嘉新 坡祖 不家 殺頂 峇美 呼上 峇酒 公發 司售 標印 明認 顧光 君諸 庄原 木東 膠係 前

紅首逸仔標萬蘭池酒出售

啟者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有貯存數十年方肯出而沽賣蓋者其執氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字為憑庶免為魚珠之混是所切盼



Bisquit Dubouché & Co. COGNAC


啟者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此為甚倘各君有欲購此廚以收藏重寶者可至本行選閱是幸此佈 大英一千八百九十八年正月十三號 不殺呼峇公司即前加珍洋行啟

大英一千八百九十七年二月十二號 不殺呼峇即前加珍洋行謹啟

戊戌年正月發客

啟者本館新印戊戌年華英月份牌現經告竣至本年印刷所以畧遲之書買錄明、晦、朔、節、氣、頗有參差本館鑒於前、叻、地、諸、家、之、誣、故、未、敢、冒、昧、從、事、爰、特、校、照、以、定、時、憲、由、詳、加、校、勘、所、有、差、餘、無、節、無、訛、庶、得、以、餉、酬、諸、君、子、所、願、之、殷、至、於、圖、畫、之、式、亦、且、改、舊、圖、以、期、一、新、眼、目、諸、君、賜、顧、請、移、玉、至、本、館、面、議、價、相、宜、倘、欲、躉、買、更、當、格、外、從、廉、特、此、奉、聞、諸、君、其、照、本、館、謹、啟


鐵廚出售




啟者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此為甚倘各君有欲購此廚以收藏重寶者可至本行選閱是幸此佈 大英一千八百九十八年正月十三號 不殺呼峇公司即前加珍洋行啟

名 鐵 櫥 發 售

警思營生之道所最要者則惟數簿其次則惟銀兩然必須有以善藏始無意外此本行鐵櫥所以為 諸翁之所共賞也取者本行所賣之鐵 久已馳名於東方一帶而於叻坡則聲名尤著至本行購置此等鐵櫥已有三十年之久其製甚為堅固保能避火且其鑰匙甚妙斷非盜賊等所能開計其 全身均用鐵製成並無雜以木料且諸櫥自前至今均為一式堅固耐無



有優劣之分至於各櫥大小不一而價值則約一百元至四百元凡用之者可保其不礙焚燒即火災亦無所損本行之鐵櫥實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

烏 密 酒 發 賣



啟者本行向由英國督辦各頂美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應認看以上所列之狗頭標庶不致誤日價甚相宜倘 諸君有欲酌飲者請至本行取用可也此佈 大英一千八百九十八年正月一號 光緒廿三年十二月十八日 明嗎也洋行謹啟


客 發 酒 池 蘭 萬 標 窠 蜂 上 頂 國 法



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠作饌中妙品也至此酒惟本公司一家沽出餘無別家出售 諸君光顧請認蜂窠標頭為記並認辨香味方不致誤價甚相宜倘有劉伶之癖者祈早至惠臨購買是幸 大英一千八百九十八年正月一號 大清光緒廿三年十二月十八日 明嗎也洋行謹啟


明嗎也洋行謹啟

蜜 酒 發 賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標 飲希圖目魚混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日理等處其他埠均能運往此佈聞 大英一千八百九十八年正月一號 光緒二十三年十二月十八日 明嗎也洋行謹啟

明嗎也洋行謹啟



售 出 品 三

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請認本號招牌之內有小紙包頭註明華字新嘉坡級明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



明嗎也洋行謹啟

光緒三十四年七月十六日 滙票行情 助報刊

舊烟土	無貨	新烟土	七百三十五元
上甲錫	四十三元一角二占半	叻烏椒	二十三元七五
叻甘蜜	五元四角半	叻白椒	四十一元七五
足金每望葛	七十八元	叻青每担	四元五角
呂宋青每担	五元七角半	吧青每担	四元五角
金盾行情	金盾一個		十元零四角半
印度盾	一百元兌		一百四十八盾
爪亞盾	一百元兌		一百四十八盾
滙票行情	銀行利息		九八仙
滙香港	銀行現銀票一百元貼銀行		二角五占
滙厦門	銀行現銀票一百元貼銀行		一元
滙加勝巴	銀行現銀票一百元銀行貼出		一元
滙泗里末	銀行現銀票一百元		一百十六盾
滙三寶瓏	銀行現銀票一百元		一百十六盾
滙望加錫	銀行現銀票一百元		一百十六盾
滙井里汶	銀行現銀票一百元		一百十六盾
滙仰光	銀行現銀票一百元		一百四十五盾
滙加里吉	銀行現銀票一百元		一百四十五盾
滙上海	銀行現銀票		七十三兩
滙商人三十日期票			七十六兩

火 船 開 行

檳榔嶼	嘉利	輪船	十七日	下午四點	合隆號
泗水	保安	輪船	十七日	下午四點	豐源號
峇釐陵	安班蘭	望加錫			實得力公司
麻六甲	爾勝	輪船	十七日	下午四點	實得力公司
吉隆	大白蟻	又			振發號
香港	丹爾嗎	葛示火船	十七日	下午四點	瑞昌號
汕頭	廈門	又			協裕生號
蘇坡	建陽	輪船	十七日	下午三點	巴智申西登
三發	萬和順	輪船	十七日	下午四點	捷源號
山口洋	坤甸	又			遮旦弟利士
砂加麗	眉那	輪船	十七日	下午二點	彼因奧公司
望加錫	緒丹	輪船	十七日	下午三點	棉小必洋行
峇眼	然勝那	輪船	十八日	上午七點	實得力公司
泗水	智茂	又			德記號
望加錫	比沙越	火船	十八日	上午十一點	棉小必洋行
檳榔嶼	又				實得力公司
望加錫	勝甲	輪船	十八日	下午四點	德記號
加勝巴	又				棉小必洋行
三寶瓏	薩寶	輪船	十八日	下午四點	實得力公司
麻六甲	吉龍	又			德記號
笑蓉	新檳榔	輪船	十八日	下午三點	棉小必洋行
檳榔嶼	喜吉	輪船	十八日	下午四點	順源棧
網略	順安	輪船	二十日	下午四點	順源棧
泗水	峇釐陵	望加錫			遮旦弟利士
安班蘭	峇釐陵	輪船	二十日	下午三點	遮旦弟利士
嗎辰	麟會	輪船	二十日	下午三點	遮旦弟利士
峇幸	高低	又			遮旦弟利士

前途來電云法國郵船名拿打 本月十四日下午七點由高
 露啟啟程來叻 定於本月十八日禮拜六即能抵叻 上落
 客貨訖即往 西貢 香港 上海 等處
 前途來電云法國郵船名安尼西文於本月十五日 由西貢
 展輪來叻 定於本月本日早禮拜五即能抵叻 起落客貨
 訖即展輪西渡矣